



古今事文類聚

新集
二十之卅一

~~99
82~~

逍遙文庫
文庫 6
28
82





新編古今事文類聚新集卷之三十一

南江 富大用 時可 編

金陵 唐富春 子和 刊

諸監部

著作郎 隸秘書監

歷代公董著作郎周左史之任也漢東京圖書悉在東觀故使
 名儒碩學入直東觀撰述國史謂之著作東觀皆以它官領
 焉蓋有著作之任而未為官員也魏明帝太和中始置著作
 郎官隸中書省專掌國史衛覬以侍中尚書典著作後又置
 佐著作郎亦屬中書省秘書監自調補之太元四年詔秘書
 無監使吏部選佐著作郎有監復舊又閻纂集云鄒湛謂秘

書監和嶠曰闔纂可佐著作嶠曰此職閑重勢貴多爭不暇
求才按此則大著作亦監自調元康詔曰著作舊屬中書令
秘書既典文籍宜改中書著作為秘書著作於是改隸秘書
後別自置省謂之著作省而猶隸秘書著作郎一人謂之大
著作專掌史任李充為大著作又荀勗以中書監孫盛以秘
書監並領為著作孫綽以散騎常侍及陳壽並為大著作佐
著作郎始到職必撰名臣傳一人宋初廢其制宋齊以來遷
佐於下謂之著作佐郎亦董國史集注起居梁初周捨裴子
野皆以他官領其職與大著作同陳為令僕子起家之選後
周屬春官之外史隋秘書省又領著作曹郎二人佐郎八人
又有秘書正字之官唐為著作局亦屬秘書省掌撰碑誌祝

文祭文與佐郎分判局事龍朔改著作郎為司文郎中佐郎
為司文郎咸亨復舊初著作郎掌修國史佐郎貳之徒有撰
史之名而實無其任盡在史館其屬官有校書郎正字宋以
寄祿官元豐正名始實有職掌修纂日曆祭祀祝辭則著作
郎佐之初除林希為大著作豐稷為小著作皆一時選也元因唐
制為著作局有著作郎著作佐郎亦隸于秘書監
群書要語承命金馬著作之庭大雅宏達於茲為群元元本本
彈見洽聞發篇章校理秘文班固西都賦臣藝不傳古學謝
專家之懷鈔之念慚憂腸之術謬勤斷蛇之符預刊水河之業
瑛筆史觀記言文府梁沈約謝著作表掌東觀陽秋之重唐大
詔令地居華省職在修文六帖漢用史才任先班固晉推經

群文類聚新集 卷之三十一

術選在李充 漢推良史選在孟堅 晉重名儒任先弘度 並

六帖 執簡東觀 後漢補志序 東觀著述 杜牧之 著作乃論選之

地唯才史是居 唐著作表 書易珥形記言事於僊室 文選 左右

史記言動之詳 宰臣記時政之要以授東觀會而成書 樂城黃

庭堅制 蘭臺東觀實專撰述 初寮制 擢居著撰之局 胡文恭行

制 領著作於秘丘 王璟制入著秘局 周約制

詩句 夫子靜且直 雍容時卷舒 東坡送岑著作詩 華蓋焚煌天

帝座蓬萊縹渺道家山 彭汝礪次韻履中學士詩

古今事實

直筆東觀

北齊天保二年詔中書令兼著作郎魏收撰後魏史初帝令群

臣各言志收曰臣願得直筆東觀早出魏書故帝使專其任

著作東觀

蘭臺令史班固傳毅洛陽令陳崇長陵令尹敏可隸校尉孟異

及楊彪等並著作東觀 漢書

採摭前記

班固典祕書採摭前記綴緝所聞以為漢書

博習舊聞

楊彪字文先少傳家學喜平中以博習舊聞為拜議郎與馬日

磾盧植蔡邕等著作東觀 同上

五葉著作

自司隸校尉奉至臣父五葉著作不絕鄉族以為美談 應事謝

三世繼為

崔駰三世相繼其後無聞若乃談遷接武彪固踵跡亦各一世之良同上

有史才遷

謝沉為祠部郎何充庾冰以沉有史才遷大著作

為文士冠

晉孫綽為廷尉卿領著作綽少以文才稱于時文士綽為之冠謂之館閣

北齊著作隸秘書謂之史閣亦謂之史館邢子才作詩酬魏牧久夜直史館是也

甚有清才

王讚為著作郎甚有清才

請議限斷

陸士衡以文學為秘書監虞濬所請為著作郎議晉書限斷晉書

哀次興衰

蕭德言歷著作郎太宗詔魏徵虞世南褚亮及德言哀次經史百氏帝王所以興衰者帝曰使我稽古臨事不惑者公等力也面折僚友

隋劉禪之父子翼字小心為著作郎岫直有行嘗面折僚友短退無餘言季有樂曰子翼言欠多不憾

謂成門戶

唐許敬宗除著作郎謂所親曰仕宦不為著作無以成門戶唐書

撰百家類

唐孔至歷著作郎明氏族學與韋述蕭穎士柳沖齊名撰百家類例以張說等為近世新族刻去之說子均方有寵怒曰天下族姓何預若事而妄紛紛者均弟素善至以實告初書成示韋述謂可傳及聞均語懼欲更增損曰大丈夫奮筆成一家書奈何因入動搖有死不可改遂罷

料四部書

晉孝武帝好覽文藝敕著作郎徐廣料秘閣四部見書九二萬六千卷續晉陽秋

上明堂賦

唐劉允濟奏上明堂賦以諷則夫甚嘉歎之拜著作郎

作應難篇

張瞻字仲應作應難篇司空張華晚見稱善命為著作郎王隱晉書

作老舊傳

陳封作益部耆舊傳武帝善之命為著作郎

造乘輿箴

潘尼轉著作郎造乘輿箴

作劍閣銘

晉張載字孟陽作濛汜賦太僕傳玄見其賦歎息以車迎載言談盡日載遂作賦起家徵為著作郎又作劍閣銘世以為能除著作郎

因定禮儀

喜文類聚新集

謂者僕射劉珍校書郎劉駒駘等因著作東觀撰集漢記因定漢家禮儀上言請張衡參定後漢書

刪除典籍

李充為大著作于時典籍混亂充刪除煩亂以類相從分為四部秘閣以為水制藏策緒晉書

老有士望

宋朝楊龜山在著庭吳敏之等李綱併以公姓名納上前日時亦老儒有士望可令閣門使對班尋召對論當世急務上喜遂擢用之吳敏手錄

顧義自守

張耒字文潛從蘇軾學軾見其文愛之蘇軾亦深知之稱其文

汪洋澹泊有一唱三歎之聲元祐初為著作佐郎改著作郎在館八年顧義自守泊如也東都事畧

才謝呂望

程駿拜著作郎後魏獻文帝屢引駿與論易老之義顧謂群臣曰朕與此人言意甚開暢又問駿年幾何對曰六十有一獻又曰昔太公既老而遭文王今卿遇朕豈非早也駿曰臣雖才謝呂望而陛下尊過西伯觀天假餘年竭六韜之効

徒取班馬

韓顯宗除著作郎高祖曾謂顯宗之才朕自委悉中省之品卿等所聞若欲取古人班馬之徒固自遼闊若欲求之當代之能卿等應推崔孝伯北史

事類彙編

妳母著郎

宋何奉天除著作郎時已老而諸佐郎並名家年少荀伯子朝之常呼為妳母奉天曰卿謫云鳳凰將九子何言妳母談藪

上軍著作

梁朝全盛時貴遊子弟多無學術諺云上軍不落即著作起唐何如即校書家訓

非載不可

神宗與宰執議更官制至著作郎則曰非蘇軾不可王鞏聞見錄

引駿與論

見前程駿故事

古今文集

雜著

著作郎廳壁記

李華

化成天下莫尚乎文文之太司是為國史職在褒貶懲勸區別昏明故駟牧頌於魯侯祈招諷於楚子史官之任有述作焉蓋王者之元符生人之極教也昔沮誦蒼頡為黃帝史臣文字以異其來尚矣其南正北正建于顓頊義氏和氏命于唐堯更虞夏商代序天地周官宗伯之屬有太史正歲年以序事小史奠系代辯昭穆內史受納訪以詔王聽理外史達書名于四方前志所載有左史記事或箴王之闕或司過于朝所典不同其納君於善一也傳曰天子有日官則史逸史伯是也諸侯有日御則禪龜子韋是也倚相在楚南史在齊董狐在晉邦之司直也

其事舉則三靈不愆其政息則百度惟危故先王貴之至于漢
廷參用周禮太史公既沒其子遷緘金匱石室之文焉降及東
京永平中特詔班固著作東觀繼其事者楊彪蔡邕由是太史
但掌天文律曆而已小雅寢周聖人生魯道尊而文武將啟德
至而天地不通感於獲麟歎於與醋爰制國典立明傳之因曆
象以正時元假鬼神而討有罪善人勸焉淫人懼焉有代之英
所由用也何若前代闕能文之史曠記事之官雖舜禹之列無
聞焉有國有家何以直道而行也魏太和年肇以著作名官為
中書屬晉元康年改隸秘書朝服單衣介憤始親職必撰名臣
傳歷宋齊梁陳官品第六元魏高齊周隋秩從五品魏則王沈
以待中兼之衛覬以尚書帶之至于有晉若史才之美陳壽自

佐郎遷元舅之尊庾亮以中書領宋則徐斐何承天齊則沈約
裴子野梁則陸雲公姚察陳則顧野主張正見後魏則崔光高
允北齊則邢子才魏收周則蘇亮柳曄隋則虞綽王邵皆一朝
名選也貞觀初詔梁文昭公鄭文貞公統英儒盛才修五代史
天子親垂筆削與春秋合符魏魏乎史氏之光耀也因是開館
於內別立史官多以著作郎領帶其職而舊司所掌唯碑誌祭
祝之文在焉然以其能綜群言且居自乘出典下國轉為郎官
經緯斯文昭宣有政或上遷秘書少監或擢拜中書舍人固不
易其任也天命元聖降而為唐唐之建官罔非俊乂若虞永興
德函大雅魏待中才高土佐鄭吏部絕韻鏘鳴崔司業雄詞飛
動皆歷為今上兼帝王之極功總文武之能事思所以比崇軒

皞紹美唐虞潤色乎大猷發明乎皇道問誰獻箴則賓客崔氏
問誰執簡則恒傳其公胡諭德遊又詩騷韋庶子貫珠今古濟
濟多士時惟秉文盛矣哉國風乎雅頌也名嶽已遷別封天柱
舊重不改尚列周官登陟蓬萊之峯循環藏室之奧從容簡貴
信君子保明弘道之司歟今大著作清河崔公名傑天寶二載
自秘書郎拜閣天祿之圖書踐人文之苑囿澡身於三德研慮
於六經執謙而光好善能擇惠風吟於秀木朗月鏡於安流代
為元臣家曰茂緒壯宮室者必鄧林之條幹乎以儒雅之姿從
班蔡之後揮綽令譽達于清朝則有祿隨之曷其有極矣先是
命官之記不列于齊以華職未班與聞前志拜命之辱敢叙
官之守云時天寶七載二月辛亥記

雙植樹賦

盧昭鄰同崔少監作

賦曰方丈蓬萊邈矣悠哉坐為石室圖天揆日地則圖書之府
人則神僊之靈中有方舞鬱鬱亭亭兩砌分植雙階並耀葉鏤
五衢榮分四照青陸至而鶯啼朱陽升而花笑紫帶紅粧玉葉
蒼枝露華的皪風色徘徊寂寞條利樓閣此地委命卷舒隨時
榮額外無嬰天之禍內有逍遙之致則有亭作儒門令思詩友
翰死擴其石夢文鋒高而照斗

律詩

送王龜齡自著作作外補

洪邁

不柰諸公厭石渠年年送客意何如直言飽讀劉蕡策太息爭
傳賈誼書今日朝廷唯主聖異時風俗要人鉅須君早晚歸遺

補莫戀王門火曳裾

著作佐郎

歷代沿革 同前著作郎沿革

群書要語 著作有局本 隸修書 胡文恭行范道卿制 著局有佐

隸修書之任 故事到職作名臣之傳 宋敏求制 領佐史怒 高師

說制 遷秘立撰著之佐 迪制 書省有佐 孫諮制 佐修書 張子

方制並胡文恭行 佐著東觀 公是行李謹修制 佐麟臺之著撰

命佐選於道山 並歲表類 蘭臺 佐撰 王禹玉制

詩 子亦東南珍 價重不可算 東坡送孫著作

古今事實

學行清修

晉陵宋鳳吳郡吳震並學行清修白首衡門老而未調譚為監
知有吏才薦之為著作佐郎並稱其職 晉華譚傳

聲姿清亮

後魏宋弁字義和為佐郎高祖孝文帝曾因朝會歷訪治道弁
年少官微自下而對聲姿清亮進止可觀高祖稱善者久之由
是大禮知遇賜名為弁意取弁和獻王楚王不知賢之理

為文華婉

崔融授著作佐郎為文華婉

極學清選

唐王義方曰臣去歲冬初雲陽下縣丞耳今春及夏陛下授臣
著作佐郎極文學之清選

作南郊賦

郭璞作南郊賦獻帝嘉其才拜著作佐郎

撰西觀書

晉東折字廣微博學多聞晚應司空辟月餘除著作佐郎西觀撰晉書草創三帝紀十志遷博士著作如故

賦懽喜詩

唐杜審言武后召之賦懽喜詩即授佐郎

作濠池賦

晉張載字孟陽作濠池賦傳玄見而嗟歎以車迎之言談盡日為之延譽遂知名起家著作佐郎

才堪著作

晉閻續字續伯祭酒鄒湛以續才堪著作薦於秘書監華嶠嶠曰此職閑厚貴重勢多爭之不暇求其才遂不能用

書善著述

陳壽善著述除著作佐郎時夏侯湛等多欲作魏書見壽所作即壞已書張華別傳

并名賜緋

唐陽城以著作佐郎名并賜緋魚

知遇賜名

見前宋升故事

兼修國史

敬播再遷著作佐郎兼修國史從太宗伐高麗帝名所戰山為

駐蹕播謂人曰鑿與不復東矣已而果然

為後春秋

劉元濟累遷著作佐郎宋魯哀公後十二世接戰國為魯後春秋並唐書

校勘館圖

宋主存少有志為小官修潔自重為歐陽公所知趙康靖康公薦召試擢秘書省著作佐郎館閣校勘校集賢院書籍言行

次在館閣

乾道二年七月梁克家奏曰著作佐郎劉焯久在館閣以拘資格除郎不行乞稱遷遂除會要

文學知名

王安中字履道自號初寮先生政和中以文學知名除宗學博士有客薦於上者除著作佐郎

才學世家

李炳字漢老伯父昭玘字成季元祐名士與晁張為徒嘗為杜史炳才學能世其家政和末除書局遷著作佐郎並同上

十年不調

後周黎景熙正定古今文字於東閣太統末拜佐郎於時倫輩皆倍兼常伯車服華盛惟景熙獨以貧素居之而無愧色又勤於職然性尤專固不合於時是以一為史官遂十年不調

三十方為

謝裕時會稽王世子元顯嬖人張法順權傾一時內外無不造

門唯謝裕不至年三十而方為著作佐郎

不為令吏

晉武帝欲以郭琦為著作佐郎問尚書郭璋璋憤琦不附已答云不識帝曰若如卿言為九家兒能事卿即堪郎矣及趙主倫篡又欲用琦琦曰我已為武帝吏不能復為令世更終於家

與免遠官

嘉祐八年詔以秘書省著作佐郎安壽嘗中進士第三入與免遠官今後以為列矣

司天臺

歷代沿革

少昊氏

以為各官鳳鳥氏為歷正

注鳳凰知天時故

以名歷正之官

高陽氏

命南正重司

天

唐高祖

命義和以閏月

定四時成歲曆象日月星辰敬授人時夏有羲和之官

各有太史周有馮相氏掌十有二歲十有二月十有二辰十

日二十有八星之位保章氏掌天星以志星辰日月之變動

以星土辨九州之地所封域分星觀妖祥以五雲之物辨

吉凶水旱以十有二風察天地之和秦有太史秦漢以來太

史之任兼成周太史馮相保章三職漢司馬談父子相繼為

太史令遷云文史星曆近乎卜祝至宣帝時修撰之職以他

官領之由是太史之官唯知占候而已自古太史之職雖以

著述為宗而兼掌曆象日月陰陽氣數司馬遷既沒之後續

史記者褚先生劉向馮商揚雄之徒並以別職來知史務於

是太史之署非復記言之司故張衡魚颺王立高堂隆等其

當官見稱惟知占候而已

故後漢太史令掌天時星曆而不

及史掌晉太史令品第七江左以它官兼領高寶以待中陳

卓以義熙守具道欣以殿中侍御史兼領

宋有日觀即司天

臺也齊梁陳並置隋秘書省太史曹置令二人煬帝改曹為

監唐因之武德改為太史局龍朔改秘書閣局光宅改渾天

監其令監置一人正五品又加副監及丞主簿府史等員其

年又改為渾儀監長安二年復為局監依舊為令景龍二年

又改局為監令名不改開元二年又改令為監其下一員改

為少監肅宗改為司天臺掌察天文稽曆數日月星辰風雷

氣色之異率其屬而占每季錄祥眚送門下中書省紀于起

居注歲終上送史館歲頒曆于天下宋因梁曰司天監有太

監少監判監或以他官兼判又有同判之名以朝官充太監
及少監闕則置判監事二人以五官正以上充掌察天文祥

異鍾鼓刻漏稽定曆數供諸壇祭祀神位版畫日元豐行改

為太史局有令有判局有同判局選五官正以上業優考深

者二人為判及同判掌占天文及風雲氣候凡祥異之事日

具所占以聞歲二頒曆則造進御覽祭祀昏冠喪葬則擇所

用日政和因仍無所改其別局有天文院鍾鼓院測驗渾儀

刻漏所印曆所皆主占驗曆法元置司天臺有監少監判官

教授等員所掌亦同

群書要語

乃命羲和欽若昊天書敬授人時依擾天紀在

璇璣玉衡以齊七政

協時月正日並同上太史頒正朔乎郡

事文類聚新集

卷之三十一

十四

御書堂本

國周禮掌邦之六典同上觀乎天文以察時變易行夏之時語

人代天土吏分日月白氏六帖視四時於玉律掌日之官司

天之吏書雲之史窺管之官日月星辰乾象不忒分至

啓閉歲功有成二十四氣三百六旬當同文之朝思稟正

朔奉天史之職宜察天時並同上分司簡日海錄碎事玉律

調元璿璣授曆思舉日官之職用知天道之玄宋廣平集差進

清臺之秩胡文恭制

詩句秦地立春傳太史漢宮題柱意仙郎唐李白寄司勳員外詩

古今事實

司天曆候

孟春命太史司天歷候日月星辰宿離不忒無失經紀注歷推

測也候占候也宿二十八宿也離猶歷也七曜為經二十八宿為紀禮記月令

日官底日

日官居卿以底百禮也注位如卿而不在六卿之數故曰居卿底致也平致也左傳

作渾天

漢張衡為太史官研窮陰陽妙盡璇璣之正作渾天儀以漏水轉之於室內與天相應若符合

叙三辰

高陽命南正帝嚳亦叙三辰唐虞則羲和夏則昆吾殷則巫咸周則史佚魯梓慎宋子韋齊甘德鄭裨竈魏石內其平成其石

之說後代所宗晉書

奏五官正

唐乾元二年知司天臺韓頰奏勅創置五官正職配五方上稽五緯

奏五星差

治平元年初上即位司天監奏崇天曆五星之行及諸節氣有差詔權判司天監周琮七人同造新曆

增六十甲子

至道二年司天冬官正楊文鑑上言請於新曆六十甲子外更增六十年事下有司判司天臺苗守信等議以為元無所依據不可行用上曰支干丞相雖止於六十年倘兩周甲子共成上

壽之數使期頤之人得見所生之歲不亦善乎因詔有司新曆以二十甲子為限

獻九卷新曆

興國四年司天冬官正吳昭素及劉內直苗守信造新曆凡經紀為二卷晨昏為一卷日躔陰陽經一卷日出入刻為一卷晝夜刻分一卷五更中星一卷共九卷以獻上命衛尉少卿元象宗與明曆者同校定賜號乾元曆上自製序

造渾儀式

興國四年以司天監學士張思訓為渾儀丞先是思訓自言能為渾儀因造其式以獻上召南方上官於禁中如其式造之踰年而成機思精至詔置於文明殿東南隅漏室中因有是命

言渾儀制

至道元年十二月新鑄渾儀成先是司夫秋官正韓顯符請言
新鑄渾儀制度九事至鑄成於司夫監築臺置之賜雜綵五下段
保章大夫周禮有保章氏秦漢以來無其職後周春官府有保
章上士中士至隋置歷博士又置保章正掌日月星辰唐長安四
年改曆博士為保章正掌教曆生乾元元年加五官之名宋
司夫監有保章正應曆詔十年一遷元豐改制掌曆法及測
景分至表準五年一遷官元有保章大夫

靈臺郎後漢太史下別有靈臺丞掌靈臺掌候日月星辰魏太
史有靈臺丞主候望郎隋有天文博士唐初因之長安二年
改為靈臺郎乾道元年改五官之名宋司夫監有靈臺郎慶

曆詔十年一遷元亦有靈臺郎之官

挈壺郎周制夏官挈壺氏下士六人秋官司寤氏春官雞人凡
三職咸掌其事自漢以後太史掌之唐長安四年始置挈壺
正掌知刻漏孔壺為漏浮箭為刻以考中星昏明之候乾元
元年加五官之名宋司夫監有挈壺正元豐改太史局官惟
挈壺正如故太史局官有五年一遷十年一遷試中而遷者
惟挈壺正無遷者元有挈壺郎

群書要語挈壺氏凡軍事縣壺以序聚攸周禮挈壺正司辰
大典朝廷興居無節號令不時挈壺氏不能掌其職焉詩

古今文集

雜著

事類彙編

辯陳壽蜀不置史館論

唐子西

禮記人君言則左史書之動則右史書之周禮建官備矣獨不聞有所謂左右史者雖有大史然不以記注為職是時諸侯皆有史豈天子獨闕乎春秋之時卜田宅者占雲日者皆稱太史則太史殆陰陽家者流然書趙盾者書崔杼者亦稱太史則太史又似掌注記者蓋方是時學者適知天人而卜與廢者亦不純用著龜太史伯以祝融之功而推楚國之必興太史趙以虞舜之德而占陳氏之未亡其論議證據有絕人者故陰陽注記得兼掌之漢司馬談父子為太史令以論著為已任而又掌六官則兼掌之效於茲可見魏晉之際始置著作郎自是太史之職分而為二孔明之時未也按後主景耀元年史官奏景星見

於是大赦改元而曰蜀不置史官矣
文集
律詩

司夫臺

李山甫

拂雲朱檻捧昭回靜對銅渾水鏡開
太史只知頻奏瑞蒼生無計可防災
景公進德星曾退漢帝推誠日為迴
何事曠官全不語好夫良月鎖高臺

新編古今事文類聚新集卷之三十 終

事文類聚新集

卷之三十

終

新編古今事文類聚新集卷之三十一

南江 富大用 時可 編

金陵 唐富春 子和 刊

諸監部

國子祭酒

歷代沿革 **漢**帝曰夔命汝典樂教 **賈**子 **書** **周**師氏以三德三行
 教國子凡國之貴遊子弟學焉保氏養國子以道教之以六
 藝六儀成主時彤伯入為祭酒 **戰國**時荀卿年五十始來學
 於齊襄王時最為老師齊尚修列大夫之闕而二為祭酒 **漢**
 吳王濞年老不朝為劉氏祭酒 **漢**又置博士 **東漢**置博士十
 四人而聰明有威重者一人為祭酒謂之博士祭酒 胡廣曰

九官名祭酒皆一位之元長古者賓得主人饌則老者一人舉酒以祭地故以祭酒為名

晉武帝置祭酒一人未嘉中又置儒林祭酒一人以社夷為之總統學中眾事

宋明帝置總明觀祭酒一人齊以尚書令王儉領祭酒省總明觀齊號為國師

陳及**後魏**亦曰國子祭酒

北齊國子寺有祭酒一人

隋仁壽元年省祭酒煬帝大業中復置祭酒

唐祭酒為太司成領六學國子太學四門律學書學算學皆以儒學優重者為之祭酒一人從三品掌儒學訓導之政檢國子太學廣文四門律書算九七學太子視學皇太子齒胄則講議釋奠執經論議奏京文武七品以上觀禮凡授經以諸經各為一經兼習孝經論語考于歲終考學官訓導多少為殿最

宋元祐官品令國子祭酒從四品元豐正名置祭酒掌三學之教法政令崇寧置太司成一員宣和罷紹興十二年始置祭酒

元仍唐宋舊置國子監監學校有國子祭酒司業監丞等員國子學太學隸焉

禮記有群書要語九侍坐於太司成者遠近間三席席間函文

道之選教胄之班李矯表庠均義重振古所崇師貴道尊有來攸尚匪白蘭芷疇變入室之情不自朱藍何遷素絲之質王儉讓國子祭酒表寶劍未祗猶乏切主之功羨箭闕羽尚無衝右之勢况才非會稽之竹質謝昆吾之金至於敷教東宇流化上庠曠官何仰王延明讓國子祭酒表師氏之位必推其能

南豐文祭酒一人秩二千石掌叙錄王國嫡庶之從次及諸宗室親

禮記有群書要語九侍坐於太司成者遠近間三席席間函文

道之選教胄之班李矯表庠均義重振古所崇師貴道尊有來攸尚匪白蘭芷疇變入室之情不自朱藍何遷素絲之質王儉讓國子祭酒表寶劍未祗猶乏切主之功羨箭闕羽尚無衝右之勢况才非會稽之竹質謝昆吾之金至於敷教東宇流化上庠曠官何仰王延明讓國子祭酒表師氏之位必推其能

南豐文祭酒一人秩二千石掌叙錄王國嫡庶之從次及諸宗室親

屬遠近郡國歲上宗室名若有犯法當髡以上請續漢書漢選
聰明威重者一人為祭酒總領紀綱後漢朱浮傳今後國子祭
酒司業及學官並須取有德望學識人充唐元和勅祭酒者謂
祭天神以酒酌之也凡會同饗醮必尊長先用酒以祭地故曰
祭酒韋昭辯釋名

古今事實

司成館

唐司成館祭酒領六學皆以儒學優重者為之

祭酒堂

退之聽琴序云司業武公少儀總太學儒官三十有六人列燕
于祭酒堂

佩蒼玉

晉祭酒佩水蒼玉晉志

服朱衣

南齊何胤為國子祭酒與太子中庶子王瑩並為侍中時胤輩
作祭酒疑所服陸澄博古多據亦不能定遂以玄服臨試爾後
群議乃用朱服祭酒朱服自此始也南史

一位元長

祭酒乃一位之元長宋書

三世國師

梁王承好儒業轉國子祭酒承祖儉父陳皆為此職三世為國
學師前代未之有當時以為榮梁史

以几杖授

吳王濞年老以劉氏為祭酒授几杖不朝並漢書

以安車迎

漢張安世薦蘇武明習故事奉使不辱命宣帝以武節著名臣令朝朔望號稱祭酒甚優寵之年老不拜迎以安車前漢

以宰相兼

唐文宗時鄭覃以宰相領祭酒又後唐天成中祭酒闕中書奏祭酒之資歷朝所貴爰從近代不重此官况屬聖朝須崇雅道均シクハナ望シクハナ空シクハナ古シクハナ兼祭酒勅崔協兼判シクハナ

用同姓為

漢高祖七年自櫟陽徙長安置祭酒官以序近族故劉向元帝

時周堪薦向為宗室忠直明經有行為祭酒劉德字路叔修黃老術少時數言事召見甘泉武帝謂之千里駒昭帝初為祭酒丞後為祭酒孔白六帖

盧誕人師

盧誕本名恭祖拜給事黃門侍郎魏帝詔曰經師易得人師難得朕諸兒轉長欲命卿為師於是誕為儒宗學府勅晉王以下皆拜之於帝前因賜名誕拜國子祭酒

蘇劉耆儒

建元七年高平蘇通長樂劉祥並以研學耆儒通為禮記祭酒居于東庠祥為儀禮祭酒處于南序每月朔旦率百僚親臨講論崔鴻十六國春秋前秦錄

皇子問義

晉杜夷以儒學稱中宗以為丞相祭酒中興初皇太子至夷舍執經問義

生徒聞喜

公遷祭酒奏儒生以為學官日使會講生徒聽聞喜曰韓公為祭酒國子監不寂寞唐李翱撰韓文公行狀

敷陳義理

隋元善賜爵江楊郡公後遷國子祭酒時帝親臨釋奠命善講孝經於是敷陳義理兼之諷諫上大悅日聞江陽之說更起朕心

酬悉詰辯

趙弘智永徽中為陳主師講孝經諸儒更詰辯隨問酬悉舌無

晉高宗喜說賜絹三百疋終國子祭酒

請備學徒

晉袁瓌為國子祭酒時喪亂之後禮教陵遲瓌上疏云請得給其宅地備其學徒帝從之國學之興自瓌始晉史

請崇文學

蕭斯代宗時擢國子祭酒請崇文學以立教本帝悟其言詔群臣有籍于朝及神策六軍子弟肄業者聽補生徒

忠正亮直

劉毅忠正亮直志尚清白為國子祭酒

清淑潛敏

劉智履德清淑秉心潛敏為博士祭酒

學行文質

賀德仁少與從兄德基俱為國子祭酒時人語曰學行可師賀德基文質彬彬賀德仁並唐書

言舉選限

楊揚為國子祭酒上言古者卿大夫子弟及諸侯歲貢小學之異者入太學學成然後爵之唐與二監舉者千百數當選者十之二考功覆校次第謂經明行修故無多少之限今考功限天下明經進士歲百人二監之得無幾然則學徒費官廩而博士濫天祿者也且以流外及諸色任者歲二千過明經進士十倍

輸光學錢

劉元章為國子祭酒建言群臣輸光學錢治庠序宰相五萬節

慶四萬刺史一萬詔可

皆用故事

愚敕以方士葉靜能為國子祭酒栢彥範曰陛下始復位制詔軍國皆用故事貞觀時以魏徵虞世南為監以孔穎達為祭酒如靜能方伎猥下安足繼蹤前列

引皆名儒

陽嶠為國子祭酒引尹知章范行恭趙玄默為學官皆名儒冠此人何在

孔幾元和中改國子祭酒嶺南節度使崔詠卒三軍請帥宰相奏擬皆不稱旨因入對上謂裴度曰嘗有疏論南海進吐菜者詞甚中正此人何在抑求之度退訪或曰祭酒孔幾嘗論此事

度徵疏進之即日授嶺南節度使

終身不恨

丘靈鞠領東觀祭酒曰人臣官願數遷使我終身為祭酒不恨也同上

以散地處

唐權德輿以劉秩為祭酒置之國庠似在散地又元載秉政忌楊綰望高建言太學當得天下名儒以清其選即拜綰國子祭酒外示尊重而實以散地處之

能八風舞

祝欽明為國子祭酒帝與群臣宴欽明自言能八風舞盧藏用歎曰是舉五經掃地矣

所薦大儒

宋呂正獻公公著為祭酒以太學為教化之原故究心經理舊制薦舉學官博士皆嚴其資格限年齒公為論列寬其科條所薦學官如王回吳政姜潛張載皆一世大儒王存願臨為元祐名臣常秩吳申黃履朱臨盛僑亦顯於世處士程頤隱居不仕公命博士即其家敦請以為大學正願固辭公即命駕過之言行錄

宜處老成

鄭穆元祐中以寶文閣待制兼祭酒每諸生請益無間寒暑雖童子必朝服延接以禮皆尊其經術而服其教六年請老范祖禹言穆雖年七十精力尚強祭酒居師資之地正宜處老成願

毋輕聽其去不報於是公卿大夫各為詩贈其行空學出祖沐東門之外觀者如堵四朝國史

無逾楊時

楊龜山先生時字中立兼國子祭酒先是具敏乞用時以靖太學時得召對即為上言諸生伏闕紛紛欲忠於朝廷耳本無他意但擇老成有行誼者為之長貳即定矣上喜曰此無逾卿者乃亟命時入太學召諸生慰勞焉言行錄

皆推汪漣

汪漣自布衣錄天子學至為正為司業為祭酒迄于司成官以儒名者三十年時人皆推之四朝國史

古今文集

雜著

讓成均祭酒表

李嶠

對揚鴻休揣摩福量飾踰分周惶增惕中謝臣才不應務命實偶時非親非賢奉帷幄之侍無藝無術備鹽梅之臣排金門而上玉堂拔鸞閣而遊鸞沼抱支離之沉痾曠密勿之繁機六翻不任但慙於背復四肢已頓空請於骸體分辭榮於瑣闥仍藉寵於環林顧非席上之珍敢辱溝中之賞况東序蟻學稱為教化之宮西膠席門實應文董之宿論姬孔之制度談夏商之損益方期遺典墜業有可發明豈伊曲學謏聞所堪尸泰伏望俯停庸察改命耆儒則授几肆筵還知入廟之禮褒衣博帶不濡在梁之翼

唐國子舞賦

天子歛賢才之地。合禮樂之府。命宗伯因四時之宜。教冑子以六代之舞。惟德是務。以和為主。翕左手以執籥。就前軒以樹羽。方將發揮五禮。張皇六詩。忽投步而赴節。乍整容而自持。鏘鏘鏘與濟濟。必庸庸以祗祗。及夫鍾鼓鏗。絳竹宴符。音容間起。干旄迭見。屹然山立。歛然風從。觀者如堵。曷不肅雍。實經國之洪範。蓋訓人中庸。且樂以平其心。舞以發其貌。故無小無大。是則是效。直合國之子弟。實教人於忠孝。其儀不忒。其德惟馨。遠人由是以來之。故時無違命。明神可得而禮矣。故物無遁形。大哉聖人其道可久。約我以禮樂。弘我以孝友。觀躩躩之履舞。贊循循之善誘。文德溫恭。則羽籥在歸。根之時。武士發揚。則干戈

是聖朝之後。夫手之舞之。有小有大成。重舞象。蹈冠舞。夏並允洽於生靈。良克諧於風雅。莫善於樂。執而勿捨。聖人若斯。須而去身。則孰能垂拱於天下。

古詩

石鼓歌

韓愈

憶昔初蒙博士徵。其年始改稱元和。故人從軍在右輔。為我量度掘石科。擢冠沐浴告祭酒。如此至寶存豈多。聖人若許留太學。諸生講解得切磋。觀經鴻都尚嗔唳。坐見舉國來奔波。

律詩

楊祭酒贈項斯詩

幾度見君詩。總好及觀標。格過於詩。平生不解藏人善。到處逢

入說項斯

元豐感事詩

朱行中

冠帶橋門路，雅容俊士關。微言尊聖聖，小道屏間間。禮樂高千古，詩書到百蠻。斯文知未泯，壁水尚如環。

國子司業

歷代沿革

周禮樂正司業師父司成。隋煬帝大業三年於國子監初置司業一人。禮記曰樂正司業。又師司成。因以為名。唐置一人從四品。副貳祭酒。通判監事。龍朔二年改為少司成。感享初復舊。凡祭酒司業皆儒事之官。非其人不居。歸崇敬授國子司業。上言司業義在禮記。樂正司業正長也。言樂官之長。同主此業。亦雅云太叔。且業按周頌詩設業設虬。崇牙

樹不則業乃懸鍾磬之篋簠也。今太學師不教樂於義則無

所取。請改國子監為辟雍。祭酒為大師。氏司業一為左師。一為右師。詔下尚書集百僚定議以聞。議者重難改作其事不行。

宋有同判監事同管勾監事或帶職朝官充凡監事皆總之元豐正名置司業掌三學之教法政令初除朱服建炎三年省紹興十二年復置隆興併省司業不許與祭酒並除乾道七年欲除劉焯孝宗曰司業乃祭酒之貳並置何妨於是始並置元仍唐宋舊置其官

群書要語

樂正司業

禮記命副儒官韓文

帝求師儒貳我成均

進退作則動言是攸抑文揚城遺愛碣命樂正之官輔司成之教往祗厥職毋使陽城韓愈之流專美前世樂城徐盛喬制司

國子之教 初寮張勸制 師氏之職 爾往祭之 曲阜行豐稷制 九
六學生每歲有業成上于監者以其業與祭酒司業試之 隋志

古今事實

孔氏三世

孔穎達子志終志終子惠言三世司業時人美之

引告諸生

唐陽城為國子祭酒引諸生告之曰學者所以學為忠孝也諸
生有父不省親者乎明日還養者二十輩有三年不歸侍者斥
之簡老秀德行升堂上沈酗不率教者罷之生徒斷斷皆有法度

勤誘後生

陽僑為國子司業好學喜勤誘後生修講舍人以爲善職

漢得名儒

官者魚朝恩判國子監既誅楊綰言太學當得天下名儒汰其
選拜綰國子司業

請誦古詩

郭山暉累遷國子司業景龍中帝昵比近臣及修文學士詔徧
為後餘臣各有所陳山暉曰臣無所解請誦古詩乃誦鹿鳴蟋
蟀篇末畢中書令李嶠以近規諷止之帝嘉其直下詔褒答

嘗寫九經

張參為國子司業年老嘗手寫九經以為讀書不如寫書

所修儀注

韋放夏遷成均司業又視元年制自今司禮所修儀注並委叔

皇朝通志卷之三十一
夏刊定 並唐書

諸生請留

陽城為國子司業直言得罪太學諸生何蕃李儋等二百人頓首闕下請留城

諸生仰服

宋施大資師點字聖與公之為司業也諸生固已仰服公日上堂延見勉之學古且務講求治亂之體使可為世用士論歸之言行錄

不奏瑞芝

黃簡肅公中為司業時芝草生武成廟官吏請以聞公不答則陰畫以聞宰相召長貳詰之曰治世之瑞抑而不奏何耶蔡濟

周公館未對公指其書曰治世何用此為周退譚人曰黃公之言精切簡當惜不使為諫諍官也

表上證義

王大寶字元龜知袁州暇日尋理舊所著述得周易證義十卷毛詩國風證義六卷表進上謂宰相曰王大寶所進書深得經旨其以國子司業兼崇正殿證義召賜五品服 胡澹庵集

古今文集

雜著

與太學諸生喜請闕留陽城司業書

柳宗元

二十六日集賢殿正字柳宗元敬致尺牘太學諸生足下始朝

廷用諫議大夫陽公為司業諸生陶煦醇懿熙然大洽于茲四
 祀而已詔書出為道州僕時通籍光範門就職書府聞之慨然
 不喜非特為諸生感戚也乃僕亦失其師表而莫有所矜式焉
 既而署吏有傳致詔草者僕得觀之蓋主上知陽公其熟嘉夫
 顯寵勤至備厚乃知欲煩陽公宣風裔土覃布美化于黎獻也
 遂寬然少喜如獲慰薦於天子休命然而退自感悼幸生明聖
 不諱之代不能布露所蓄論列大體聞于下執事莫少見採取
 而還陽公之商也翌日退自書府就車于司馬門外聞之於抱
 關望管者道諸生受慕陽公之德教不忍其去頓首西闕下懇
 悃至願乞留如故者百數十人輒用撫手喜甚震忤不寧不意
 古道復形于今僕嘗讀季元禮稽敬夜傳觀其言太學生徒仰

闕赴訴者僕諱訖于百守不可親聞乃今日聞而觀之誠諸生
 見賜甚盛於戲始僕少時嘗有意遊太學受師說以植志持身
 焉當時說者咸曰太學生聚為朋曹侮老慢賢有墮窳敗業而
 利口食者有崇飾惡言而肆闢訟者有凌傲長上而誇罵有司
 者其退然自克特殊於眾人者無幾耳僕聞之恟駭怛悸良痛
 其遊聖人之門而眾為是踏踏也遂退託鄉閭家塾者厲志業
 過太學之門而不敢踞顧尚何能仰視其學徒者哉乃今奮志
 厲義出守千百生之表何聞見之乖刺歟豈說者過也將亦時
 異人異無何時之桀害者耶其無乃陽公之漸漬導訓明效所
 致乎夫如是服聖人遺教居天子太學可無愧夫於戲陽公有
 博厚恢弘之德能容善儒來者不拒曩聞有狂惑小生依託門

下或乃飛文陳惠醜行無賴而論者以為言謂陽公過於納汗
無人師之道是太不狃仲尼吾黨狂狷南郭獻譏曾參徒七十
二人致禍負多孟軻館從者竊履彼一聖二賢人繼為大儒
然植不免如之何其拒人也俞扁之門不拒病夫繩墨之側不
拒枉材師儒之習不拒曲士理固然也且陽公之在于朝四方
聞風仰而慕之貪冒苟進邪薄之夫庶得少沮其志不遂其惡
雖微師尹之位而人實具瞻焉與其宣風一方置化一州其功
之遠近又何量哉諸生之言非獨為已也於國體實其願諸生
勿得私之想復再上故少佐筆端耳此良志俾為史者有以
紀述也努力多賀柳宗元白

上巳日大學黽彈琴詩序

韓退之

與衆樂之謂樂樂而不失其正又樂之尤也四方無鬪爭金革
之聲京師之人既庶且豐天子念致理之艱難樂安居之閑暇
肇置三令節詔公卿群有司至于其日宰厥官屬飲酒以樂所
以同其休宣其和感其心成其文者也三月初吉實維其時司
業武公少儀於是總大學儒官二十有六人列燕于祭酒之堂
樽俎既陳酌羞惟時醖享序行獻酬有容歌風雅之古辭斥夷
狄之新聲褒衣危冠與與如也有一儒生魁然其形抱琴而來
歷階以升坐于樽俎之南鼓有虞氏之南風虞之以文王宣父
之操優游夷愉廣厚高明追三代之遺音想舞雩之詠嘆及暮
而退皆充然若有得也武公於是作歌詩以美之命屬官咸作
之四門博士昌黎韓愈序之

送國子司業楊巨源序

韓退之

昔疎廣受一手以年老一朝辭位而去于時公卿設供帳祖道都門外車數百兩道路觀者歎息漢史傳其事後世圖其跡至今照人耳目國子司業楊君巨源方以能詩訓後進一旦以年滿七十亦白宰相去歸其鄉今楊與二疎其意豈異也予不知楊侯去時城門外送者幾人車幾兩馬幾駟道邊觀者亦有歎息知其為賢者否而太史氏又能張大其事為傳繼二疎蹤跡否今世無工畫者畫與不畫不論也然吾聞楊侯之去丞相有愛而惜之者以為其都少尹不絕其祿又為歌詩以勸之京師之長於詩者又屬而和之不知當時二疎之去有是事否出世士大夫以官為家罷則無所歸楊侯始冠舉於其鄉歌鹿鳴而

來也今之歸指其樹曰某樹吾先人之所種也某水某丘吾童子時所釣遊也鄉人莫不加敬誠子孫以楊侯不夫其鄉為法古之所謂鄉先生沒可祭於社者其在斯人歟

祭賣司業文

韓退之

惟君文行夙成有聲江東魁然厚重長者之風一舉於鄉遂收厥功命守高平令制儒官朱衣銀魚象服以崇我之獲見實自童蒙自視雖數望君飛鴻俱官於學以繼臨洪

律詩

送詹司業詩

陳后山

才難孰為吾君惜果滿寧容我輩先熟路長馳聊緩步百金一發不虛弦

國子監丞

歷代沿革 隋置二人 唐一人掌判監事 凡六學生每歲有業成
上于監者以其業與司業祭酒試之登第者白祭酒上于尚
書禮部 宋景祐二年孫祖德請於直講京官內差一員充監
丞詔學官兼領掌錢穀出納之事 元豐定制置祭酒司業掌
二學之教法政令而監之事則丞與焉 建炎三年省紹興十
二年復置元置一人

群書要語 從國子監丞 東朝東帶銀榜增華 西序彫纓環林益
潤 唐張燕公集 當文治之朝 奉成均之職 孔白六帖 設屬成均
參釐政令 庶事之務 惟丞是司 初察除胡端平制丞於太學 胡
文恭制丞於膠庠 進丞學省 上產丞秩 用丞庠學之榮

並同上 秩以學省之丞 公是行錢茂先制

古今事實

上書八千言

宋趙忠簡公昂為相時 先是國子監丞張戒上書幾八千言 自
謂恐忤聖意 上謂宰執曰 朕孰覽之 其憂國愛君之心 誠可嘉
朕大開言路 以防壅蔽 自欲賞之 趙昂不答 沈與求曰 陛下如
此 何患不聞盡言 言行錄

古今文集

雜著

承廳連理樹賦

王履貞 唐

靈臺崇崇兮 洞膠轄以綿延 中有珍木兮 鬱森森以芊芊 且

學為教原。紱紉局生於學者。表王化之大同。植於臆者。知管政之無曲。亦所以據於德而遠於俗也。樂我皇道。彰我聖主。依君仁義之圃。對君翰墨之筵。俾為我師者。如斯木之一德。為程曹者。如斯木之相全。故瑞不虛然。從化而已。化不在遠行之在近。有善必應。故得託根。講隸之宇。垂除夫子之墻。雜庭槐以為列。偶仙杏而成行。逢聖而生。匪由于日月。以冀取瑞為寶。孰尚夫金玉其相。

國子博士

歷代沿革 國時有博士掌通古今。又曰博士。秦官。漢因之。秩比六百石。漢多至數十人。武帝初置五經博士。宣帝成帝時。五經家法稍增。置博士一人。博士選有三科。高第為尚書。次

為刺史。其不通故事。以次補諸侯太傅。元始四年。改博士為博士師。後漢兼而存之。博士凡四十人。易施孟。梁丘。京氏。尚書。歐陽。大小夏侯。詩。夾。魯。韓。毛。禮。大小戴。春秋。嚴。顏。各一博士。華嶠。漢書曰。初。欲立左氏傳。博士范升以為左氏淺末。不宜立。陳氏乃詣闕上疏。爭之。更相辯對。帝卒立左氏。學。掌以五經教子。象國有疑事。掌承問對。安帝以博士多非其人。詔命三公將軍中二千石。舉博士各一人。務得經明行高。卓爾茂異。晉咸寧四年。初置國子博士十五人。皆取履行清淳。通明典義。若散騎常侍中書侍郎太子中庶子以上。乃得召試。梁國學博士二人。置五經博士各一人。魏晉宋齊並不置五經博士。至此始置。隋省國子博士。至大業後。置唐國子博

士二人正五品上掌教文武官三品以上及國公孫龍朔
改為司成宣業咸亨初復諸州府亦有經學博士一人廣文
館博士四人掌領國子學生業進士者天寶九載置廣文館
宋國子監無博士有直講八人熙寧改為太學博士元豐定
制亦無國子博士天觀元年薛昂乞置國子博士四員國子
正錄各二員與太學官分掌教導從之建炎併國子監於禮
部紹興三年詔駐蹕所在因國子監置養生徒置博士二員

元置二八

群書要語博者博通古今士者辯於然否漢官儀生事愛敬喪
沒如禮兼崇載籍窮微聞奧則保舉東漢中興舉博士科督郵
板狀足下出文閣為諸生之耆龜作後來之綿絕得思居其

位者不愧其道處于職者不墮其業乎否則來太易負乘之譏
招詩人伐檀之刺矣皮自休移成均博士書置博士之職而著
錄之生若雲開集雅之館而款闕之學如市文選各端師老德
以為學官唐儒林傳博士不尋章張鷟集博士師屬也韓文列
於師官初察章毅制納經訓曹鄭補之制宜真博通之列胡文
恭除陳益制進遷學必充豫教官許恢等制擢任儒林之官茶
司胄子之教潘夙制博通領於儒叅李希逸制成均典教葛信
制典臆之選公是行張會制博士道之淵藪魏高采上書教學
以導世治性為時養器其置學立五經博士以崇王化隆風俗
吳志詔

詩句評事不讀律博士不尋章唐張鷟為車載斗量之詩時沈

全交於南院吟云

三羊國子師腸肚疾藜覓韓愈詩儒岸恣遊

息聖籍飽商摧

漸階群振鷺入院誨頤齡並同上

古今事實

章甫冠

漢文帝時博士朝服玄端章甫冠通典

兩梁冠

晉置國子學博士一人介憤兩梁冠服佩同司馬彪百官志

端委佩玉

博士之職端委佩玉朝之大典以詢度之晉中興書

尊異服冕

博士秩卑以其傳先生之訓故尊而異之令服大夫之冕荀綽

晉百官表

八世皆為

漢歐陽欽自歐陽生傳伏生尚書至欽八世皆為博士並前後漢書

有年最盛

武帝立五經博士迄于元始百有餘年傳業者寔盛

被詔特命

後魏崔逸為國子博士每公事逸常被詔獨進博士特命自逸

始北史

掃門恠問

熊安生初仕北齊為國子博士武帝入鄴安生遂令掃門家人恠而問之安生日周帝重道尊儒必將見我矣俄而帝幸其第

詔不聽拜親執其手引與同坐謂曰朕何如武王安生日武王
伐紂懸首白旗陛下平齊兵不血刃又愚謂聖夏為復帝大悅賜
帛三百疋米三百石宅一區并賜象笏及九環金帶其餘什物
稱是

論勝賜席

殷亮建武中徵拜博士遷講學大夫諸儒論勝者賜席至八九
重帝用嘉之日學不當如是耶

待詔金馬

公孫弘對策第八見拜為博士待詔金馬

論經石渠

歐陽高為博士高孫地餘以尚書授太子為博士論石渠張山

拊事小夏侯建為博士論石渠周堪與孔霸俱事大夏侯霸為
博士堪諱官令論石渠施讐為博士甘露中與諸儒論五經同
異於石渠

參議禮樂

董鈞永平初為博士時草創五郊祭祀及宗廟禮樂威儀童服
並鈞鈞參議多見從用當時稱通儒后漢書

遣使關東

漢成帝遣博士使關東不稱詔曰儒林之官學海淵藪宜皆通
達國體故謂之博士否則學者無迷焉非所以尊道德也

使行風俗

漢元帝中徐偃為博士使行風俗偃矯制使膠東魯國鼓鑄益

鐵還奏事張湯劾偃矯制法歿偃以為春秋之義大夫出疆有以安社稷利萬民可專也湯不能屈

使錄冤獄

前漢成帝初即位孔光為博士數使錄冤獄行風俗振贍流民奉使稱旨由是知名以高第為尚書

天下宗師

後漢朱浮以國學既興宜廣博士之選上書曰博士之官為天下宗師使孔聖之言傳而不絕

為世表領

晉元帝時荀崧上疏曰昔咸寧太康永嘉之中侍中常侍黃門通洽古今行為世表領國子博士

說書稱善

相榮年六十餘世祖召令說書甚善之每朝會令榮於公卿前敷奏經書帝稱善曰得生幾晚拜博士同上

得人為慶

貞元八年以前江西府監察御史召拜博士朝士以得人為慶韓愈撰權德輿墓碑

博通五經

徐文遠博通五經隋大業初許善心薦為學官擢國子博士考定經義

唐房昭遠為國子博士奮上令國子生通一經者悉薦舉其擢用之既策問訖博士不能時定藏不祭酒元善因令昭遠考

定之昭遠覽筆便下初無疑滯或有不服者昭遠問其所傳義
疏輒為始末誦之然後出其所短自是無敢飾非者所試四五
百人數自便決儒者莫不推其通博唐書

叔孫釗禮

漢叔孫通為博士初制漢禮漢書

賈誼通書

賈誼頗通諸家之書年二十餘文帝召為博士年最少有詔議
諸老未能言誼書為之對人人各如其意所出諸生於是以為
能文帝悅之超遷一歲至大中大夫

韓嬰詩易

韓嬰燕人也孝文時為博士景帝時為常山王太傅嬰推詩人

之意而作外傳數萬言其語頗與齊魯間殊然其歸一也而燕
趙間言詩者由韓生韓生亦以易授人推易意而為之傳燕趙
好詩故其易微惟韓氏自傳之孝宣時涿郡韓生其後也以易
徵待詔殿中其所授易即先太傅所傳也管受韓詩不知太傅
易深韓氏固專傳之

孔氏尚書

孔子之後孔忠生武及安國武生延年延年生霸安國與延年
皆以治尚書為武帝博士霸以治尚書事太傅夏侯勝昭帝末
年為博士霸生光經學尤明武帝初即位舉為博士歷官至丞相

小戴說禮

孟卿東海人也事蕭書以授后蒼魯閭丘卿蒼說禮數百言號

曰后氏曲臺記授沛聞人通漢子方梁戴德延君戴聖次君沛慶普孝公德號大戴為信都太傅聖號小戴以博士論石渠由是禮有大戴小戴慶氏之學

張禹對易

張禹甘露中諸儒薦乏有詔太子太傅蕭望之問禹對易及論語大義均之奏禹精習有師法文之乃試為博士

康衡解頤

康衡好學家貧傭作以供資用尤精力過絕人諸儒為之語曰無說詩康鼎來康說詩解人頤元帝時為博士

朱雲折角

朱雲授易頗有師道是時少府五鹿充宗貴華為梁丘易自宜

帝時善梁丘氏說元帝好之欲考其異同令充宗與諸易家論充宗乘貴辯口諸儒莫能與抗皆稱疾不敢會有薦雲者乃入攝齊外堂抗首而請音動左右既論難連柱五鹿君故諸儒語曰五鹿岳岳朱雲抗其角由是拜為博士

以經著姓

京房受易梁人焦贛壽房授東海殷喜河東姚平河南弘乘皆為郎由是易有京氏之學魯國先賢傳前漢施讎從田王孫受易召為博士初丁寬從田何授易寬授田王孫王孫授施讎且孟喜梁丘賀繇是易有施孟梁丘之學嚴彭祖與顏安樂俱事誰孟孟曰春秋之意在一子矣孟歿彭祖安樂各顯門教授由是八子有嚴顏之學彭祖為宣帝博士前漢書

通經奪席

戴憑習京氏易年十六郡舉明經徵試博士拜郎中時詔公卿大會群臣皆就席憑獨立光武問其意對曰博士說經皆不如臣而坐居臣上是以不就席帝召上殿令與諸儒難說多所解釋帝善之拜為侍中後正旦百僚畢集帝令群臣能說經者更相詰難義有不通輒奪其席以益通者憑遂坐五十金重京師語曰解經不窮戴侍中後漢書

論難温恭

栢榮拜博士車駕幸大學會博士論難於前榮温恭醜藉每以禮遜相厭不以辭長勝入

詞義鋒起

王頌授著作郎尋令於國子宣授會高祖親行釋奠國子祭酒元善講孝經與高祖論難詞義鋒起高祖大奇之超授國子博士

發揚風雅

蓋文懿武德初歷國子助教時高祖引於秘書省學教授王公之子時文懿為博士文懿嘗開講發毛詩題公卿咸更相問難文懿發揚風雅甚得入之致敬

訓授道義

歸崇敬請德行純潔文詞雅正形容莊重可為師表者委以四品以上各舉所知在外敦遣為博士學生朝晡請益師一時堂上調授道義示以文行忠信孝悌睦友旬省月試時考歲貢賦生徒及第多少為博士考課並唐書

五經並授

魏樂祥拜博士于時太學初立有博士十餘人其學多偏不敢親授備員而已惟祥五經業並授

為詩最精

漢文帝時申公為詩最精以為博士申公為詩傳號曰魯詩

廣文自始

鄭度元宗愛其才為置廣文館以度為博士度不知廣文曹司何在訪於宰相宰相曰上置廣文館以居賢者令後世言廣文博士自君始不亦美乎度乃就職

經行宜充

薛廣德以魯詩教楚國龔勝師事焉蕭物芝之為御史大夫除廣

德魯詩數與論議器之薦廣德經行宜充本朝以為博士

稱九經庫

公律那貞觀中累遷國子博士淹識群書褚遂良嘗稱其為九經庫

有倚席譏

李絳請崇國學士疏曰博士有倚席之譏

瘦羊博士

甄宇拜博士每臘詔賜博士人一羊有大小肥瘦時議欲殺羊分肉宇因取瘦者自是不復爭後召會詔問瘦羊博士所在京師因以為號東觀漢記

不冠博士

漢王式為昌邑王師昌邑廢式繫獄當死曰臣以詩三百五篇

朝夕授王至於忠臣孝子之篇未嘗不為王反覆誦之也使者以聞得減歎論後徵為博士式衣博士衣而不冠曰刑餘之人何宜復充禮官竟謝病歸

李覺講易

宋李覺字仲明遷國子博士太宗幸國子監詔覺講易之泰卦覺因述天地感通君臣相應之旨太宗甚悅改判國子監

昭素通經

王昭素博通九經及著易論二十二篇太祖召命講易因訪以民事昭素所言誠實無隱太祖嘉之又問治世養身之術昭素曰治世莫若愛民養身莫若寡慾太祖重其言書于屏風拜國子博士並東都事畧

轉對內殿

史越王浩為國子博士轉對內殿將復奏曰昔安恩平主皆聰明宜擇其賢者以繫天下之望高宗頷之浩退高宗自送之翌日除祕書郎兼二王府教授朝野雜記

名重朝廷

楊文節公萬里召為國子博士上疏乞留左司員外郎張栻黜軍器少監韓王王罷由是名重朝廷言行錄

古今文集

雜著

進學解

韓愈

國子先生晨入大學招諸生立館下謏之曰業精于勤荒于嬉

行成於思毀於隨方今聖賢相逢治具畢張拔去兇邪登崇俊
良占小善者率以錄名一藝者無不庸爬羅剔抉刮垢磨光益
有幸而獲選孰云多而不揚諸生業患不能精無患有司之不
明行患不能成無患有司之不公言未既有矣于列者曰先生
欺乎哉弟子事先生于茲有年矣先生口不絕吟於太藝之文
手不停披於百家之編記事者必提其要纂言者必鈎其玄貪
多務得細大不捐焚膏油以繼晷恒兀兀以窮年先生之於業
可謂勤矣舐排異端攘斥佛老補苴罅漏張皇幽眇尋繹緒之
茫茫獨旁搜而遠紹墮百川而東之迥在瀾於既倒先生之於
儒可謂有勞矣沉浸醲郁含英咀華作為文章其書滿家上規
姚姒渾渾無涯周誥殷盤信屈整牙春秋謹嚴左氏浮誇易奇

而法詩正而葩下逮莊騷太史所錄子雲相如同土異曲先生
於文可謂閱其中而肆其外矣少始知學身於敢為長通於方
左右其宜先生之於為人可謂成矣然而公不見信於人私不
見助於友跋前疐後動輒得咎斬為御史遂竄南夷三為博士
冗不見洽命與仇謀取敗幾時冬暖而兒號寒年登而妻啼饑
頭童齒豁竟何俾不知慮此而反教人為先生曰吁子來前
夫大木為杗細木為桷榑榱侏儒椳闌居椳各得其宜以成室
屋者匠氏之功也玉札丹砂赤箭青芝牛溲馬勃敗鼓之皮俱
收並蓄待用無遺者醫師之良也登明選公雜進巧拙紆餘為
妍卓犖為傑校短量長惟器是適者宰相之方也昔者孟軻好
辯孔道以明轍環天下卒老于行荀卿宗王大論以興逃讒于

楚廢於蘭陵是一儒者吐辭為經舉足為法絕類離倫優入聖域其遇於世何如也今先生學雖勤而不繇其統言雖多而不要其中文雖奇而不濟於用行雖修而不顯於衆猶且月費俸錢歲糜廩粟子不知耕婦不知織乘馬從徒安坐而食踵常途之役役窺陳篇以盜竊然而聖主不加誅宰臣不見斥茲非幸歟動而得謗名亦隨之投閑置散乃分之宜若夫商賈賄之有亡計班資之崇卑志已量之所稱指前人之毀滅是所謂詰正氏之不以我為極而警警師以官場引羊欲進其稀苓也

議楊綰條貢舉狀

賈至

今兩京有大學州縣有小學在華一動生徒流離儒臣師氏祿廩無尚獨禮部每歲擢不其謬哉祗足長浮薄之風啓僥倖之

路矣其國子博士等坊坊加員數厚其祿秩選通儒碩生間居其職十道大郡量置大學館舍博士出外兼領郡官身置生徒依乎故事如此則青青不復與刺擾擾由是歸本矣

古詩

贈鄭虔博士

杜子美

諸公衮衮登臺省廣文先生官獨冷甲第紛紛厭梁肉廣文先生飯不足先生有道出羲黃先生有才過屈宋德尊一代常坎軻名垂萬古知何用杜陵野客入更嗤破褐短窄鬢如絲日糴太倉五升米時赴鄭老同襟期得錢即相覓沽酒不復疑忘形到爾汝痛飲真吾師清夜沉沉動春酌燈前細雨簷花落但覺高歌有鬼神焉知餓殍填溝壑相如逸才親滌器子雲識字終

事類彙編卷之二十一
投閣先生早賦歸去來石由茅屋荒蒼蒼儒術於我何有哉孔
丘盜跖俱塵埃不須聞此意慘愴生前相遇且銜盃
律詩

送國子博士令孤赴興元觀省 劉禹錫

相門才子高陽族學省清資五品官諫院過時榮棟莖謝庭歸
去踏芝蘭

國子助教 附國子教授

歷代沿革 晉武帝初立國子學置助教十五人官品視南臺御史服同博士東晉孝武損為十人宋齊同 梁班第二陳品第八秩六百石後魏第七品北齊置十人隋初置國子助教三人大業三年減置二人唐增置一人宋置國子四門助教六

置國子助教二人國子教授四人

古今事實

以經文授

劉執忠渤海人也遷國子助教以經文授皇太子正直純厚有儒者之風 北齊書

以能詩召

宋至道元年布衣潘閔對於崇政殿賜進士及第授國子四門助教閔賣藥京師好交結上左右有言其能詩者因召見而有是命未幾復追還詔書

古今文集

雜著

國子助教薛君墓銘

韓愈

君諱公達字大順少氣高為文有氣力務出於奇以不同俗為
生始舉進士不與先輩揖作胡馬及圓丘詩京人未見其書口
相傳以熟及擢第補家令主簿佐鳳翔軍軍帥武人君為作書
奏讀不識句傳一幕以為笑不為變後九月九日大會射設標
的高出百數十尺令日中酬錦與金若干一軍盡射莫能中君
執弓腰二矢指一矢以興揖其帥曰請以為公歡遂適射所一
座皆起隨之射三發連三中的壞不可復射中輒一軍大呼以
笑連三大呼笑帥益不喜即自免去後佐河陽軍任事去害與
利功為多拜協律郎益棄奇與入為同今天子修太學官有公
卿言詔拜國子助教分教東都生元和四年卒銘曰官不遂歸

譏於時身不得年又將尤誰世再絕而紹祭以不墮

太學博士

歷代沿革魏太學置五經課試之法置春秋穀梁博士東晉增
置國子博士十六人謂之太學博士北齊國子寺有太學博
士隋罷國子唯立太學置博士五人唐增置三人掌教文武
五品以上郡縣八子孫鄭覃請太學五經置博士祿廩比王
府官宋元豐三年詔改國子監直講為太學博士每經二人
掌分經講授考校程文以德行道藝訓導學者紹聖元年左
司諫翟思言熙寧更置太學博士正錄雖有朝廷特除然類
於國子監長貳薦舉以次除授元祐以來罷去試法請自今
除學宮依舊法召試從之紹興置太學博士三員元置四人

群書要語以文學為官南豐制宜率勵多士首善京師以風四方

以教導為官曲阜集矧由辟海進陟道山同上往司講解藥

城制賢關養士衆建師儒宜爾褒遷遂專訓導初寮制敷學省

之經胡文恭制置在庠講之員同上西域氏之教其徒日以講

習決釋其法為事吾之視太學又足以為西域氏之羞矣奚不

日戒其屬月勵其徒年持六籍日央百氏俾諸生於聖典也洞

知大曉皮日休與博士書

詩句先生萬古名何用博士三年冗不治蔡天啓為博士三年

古今事實

服大夫冕

博士秩卑以其傳先生之訓故尊異之令服大夫冕荀悼晉百官表

比王府官

唐鄭覃既名儒故以宰相領祭酒請大學五經置博士祿秩比

王府官唐本傳

馬光升堂

馬光為太學博士嘗因釋奠高祖親幸國子學王公以下畢集

光升堂講禮諸儒生以次論難皆當時碩學光剖析凝滯

德明賜帛

陸德明為太學博士高祖已釋奠召博士徐文遠浮屠慧乘道

士劉進喜各講經德明隨方立義徧析其說帝大喜曰二人者

誠辨然德明一舉輒蔽可謂賢矣賜帛五十疋

六儒並授

隋馬光開皇初高祖徵山東義學之士光與張仲讓孔龍竇仕榮張買放劉祖仁等俱至並授大學博士時人號曰六儒隋書

一時皆冠

太業初許善心薦徐文遠及包愷褚徽陸德明曾達為學官文遠擢國子博士世稱左氏有文遠禮有褚徽詩有曾達易有陸德明皆一時之冠

徵質疑滯

謝沉康帝即位議七廟迭毀於是以大學博士徵之質疑滯也晉中興書

講其精博

唐王恭少篤學教授鄉閭弟子數百人貞觀初召拜大學博士

講二禮別為義證其精博蓋文懿文達皆當時大儒每講徧舉先儒義必暢恭所說

諸生橫卷

光武起太學博士舍內外講堂諸生橫卷為海內所集後漢書

學生文名

胡安國遷太學博士學生以文自名每二篇成置錦囊中游公卿間轉囑公處之職事乃袖刺至博士舍公問所為文其人曰此為聲明取去聲明者祭酒薛昂也他日又問之對曰近真公達所公達者中書侍郎劉達也於是公鄙其為人公為師儒謹所好惡如此言行錄

精選博士

淳化三年楊徽之上言文士雖多而通經甚少精選五經博士各專業教習于此風化之本也

薦除博士

秦觀字少游元祐初蘇軾以賢良方正薦于朝除太學博士

恩錫有差

權邦彥字朝美為太學博士徽宗幸學設幄堂上天顏喜甚恩錫有差延見諸生命公講下武詩言明理暢

被旨奏對

陳忠肅公瑾字望中為太學博士被旨奏對論稽古造膝之言遂明繼述之義泰陵喜所未聞反復詰問語遂移時迫於進膳公乃引退上意感悟約公再見有變更時事之意泰陵聖顏英

虞臣下奏對往往懾於天威少或契合公乃見遽以人所難言逆意開陳辭達義明使人主豁然感悟由是縉紳士夫罔不欽服蘇黃門聞之撫几歎曰吾兄東坡最善論事然亦不知出此以書抵公歎譽甚至言行錄

古今文集

雜著

除太學博士謝陳丞相啓

呂伯恭

里閭湮沈久安分守膠庠清遠驟被詔除夫何逃遠之蹤猶在選掄之數竊以合蒸髦於萬萬課以度程嗣絕學於六經司其訓誥名掛成均之屬號為儒者之先於秩雖微所繫實大苟訓迪漸摩之本曾弗玩心則呻吟佔嘽之餘焉能塞責厥職升降

視人重輕如其者氣稟顛家志尚踈闊定交鉛槧不知歲月之
 多借助韋絃未覺悔尤之寡每因晏豫竊自揣量惟材謏故不
 足俎豆英遊惟識眊故不足權衡世變繼以閔憂之積益於寵
 利之踈于命義而徵求匪惟失已飾庸虛而銜鬻又復欺人徒
 欲粗試於州縣簿領之間曷敢自通於廊廟鈞陶之上忽冒除
 書之及罔知拜賜之端意者槩視戚踈曲加誘掖昇教導之任
 使預懷無廢之慚寬奔走之期使尚有討論之暇進之以作其
 息緩之以俟其成自視缺然何以領此斯蓋伏遇某官翼直天
 綽荆亮皇猷深惟對殖於不基曠若招徠於群獻荆金梁鐵貢
 九牧以並登粵罇燕函列百土而咸在多取或容於舛誤廣求
 遂速於尋思某敢不細釋舊聞研想微旨千羊臺簡儻輸毫髮

之勞一世龍門庶各丘山之施過此以往未不知所裁

律詩

再至學省作

王介甫

平生擾擾復膠膠學省重來歲又交騎馬醉遺官長罵讀書慚
 祓學生朝何為眷戀米五斗便可經營把一菜好買江干千箇
 竹待看煙雨長春稍

除書學博士初朝謁呈時宰

米元章

半生湖海看青山慣佩笏後者橫轡艱曉起初馳朱雀路霜華慙
 綴紫宸班百寮卑處瞻丹陛五色雲中望玉顏浪說書名落人
 世非公那解徹天關

大學助教

事文類聚新集 卷之三十一 三三 德壽堂梓
德壽堂梓

歷代沿革 後魏置大學助教八品出北齊國子寺有大學助教
二十人九品下後周置大學助教上士六人隋初五人正九
品下大業三年減為一人唐增置三人宋置四門助教元置
四人太學助教

古今事實

李訓別與

唐李德裕太和中為平章事時文宗欲李訓為諫官德裕諫曰
李訓小人不可在陛下左右文宗曰人誰無過俟其後改德裕
曰聖人有改過之義訓天性奸邪無後改之理帝乃顧王涯商
量別與一官乃授四門助教

邢惇悅除

宋邢惇以布衣召對真宗東封還雍丘問以治道惇曰陛下東
封西祀皆已畢矣臣復何言上悅除四門助教

古今文集

雜著

凌助教蓬屋題詩序

柳子厚

儒有蓬戶甍牖而自立者河間凌士燮窮討六籍皆有著述而
尤邃春秋為儒官守道端莊植志不回在京師十二年家本吳
也欲歸而不可得遂構蓬室以備撰議之位棟宇簡易僅除風
雨蓋大江之南其舊俗也所謂求仁而得斯固然歟夫厚人倫
懷舊俗固六義之本群公是以有發德之什書在屋壁奈叙而
引之

事文類聚新集 卷之三十一 三五 德壽堂梓

四門助教廳壁記

柳宗元

周人置虞庠于四郊以養國老教胄子祭統曰天子設四學蓋其制也易傳太初篇曰天子旦入東學晝入南學夕入西學暮入北學祭邑引之以定明堂之位焉大戴禮保傳篇曰帝入東學以貴仁入南學以貴德入西學以貴信入北學以貴爵賈生述之以明太子之教焉故曰為大教之官而四學具焉祭明堂之政原大教之極其建置之道弘也後魏太和中立學于四門置助教二十人隋氏始隸于國子而降置五人皇朝始合于太學又省至三人員位彌簡其官尤難非儒之通者不列也四門學之制掌國之上士中士下士凡三等侯伯子男凡四等其子孫之為胄子者及庶士庶人之子為後士者使執其業而居其

次就師儒之官而考正焉助教之職佐博士以掌鼓篋覆楚之政令分其人而教育之其有通經力學者必於歲之批升於禮部聽簡試焉課生徒之進退必酌于中道非博雅莊敬之流固不得臨於是故有去而升于朝者賀秘書由是為博士歸散騎由是為左拾遺舊制以拾遺為八品清官故必以名賢者居於其位貞元中王化既成經籍少間有司命太學之官頗以為易專名譽好文章者咸耻為學官至是河東柳立始以前進士來署茲職天水武儒衡聞中歐陽詹又繼之是歲四門助教凡三人皆文士京師以為異余與立同祖與武公同升於禮部與歐陽生同志於文四門助教署未嘗紀前人名氏余故為之說而由夫二者者始

律詩

贈敬睦助教

釋無可

禁掖人知連狀薦國庠官滿一家貧清儀都道蓬瀛客直氣堪
為諫諍臣

早稲田大学図書館

011488600011